

**CONVENIO DE COLABORACIÓN ENTRE A VICEPRESIDENCIA SEGUNDA E CONSELLERÍA DE ECONOMÍA, EMPRESA E INNOVACIÓN E A FEDERACIÓN GALLEGA DE ESTACIONES DE SERVICIO “FEGAES” PARA A ELABORACIÓN DUN PLAN ESTRATÉXICO NO SECTOR DAS ESTACIÓNS DE SERVIZO EN GALICIA**

En Santiago de Compostela, a 5 de marzo de 2021

**REÚNENSE**

O conselleiro de Economía, Empresa e Innovación, Francisco Conde López, nomeado polo Decreto 112/2020, de 6 de setembro, que actúa no exercicio do seu cargo e en función das atribucións que lle confire o artigo 34 da Lei 1/1983, do 22 de febreiro, reguladora da Xunta de Galicia e da súa presidencia.

..., presidente da Federación Gallega de Estaciones de Servicio “FEGAES”, elixido mediante acordo do comité executivo de 3 de agosto de 2017, coas facultades para a sinatura deste convenio en virtude dos estatutos de dita asociación.

As partes recoñécense mutua e respectivamente a capacidade suficiente para asinar este convenio de colaboración.

**EXPOÑEN**

**PRIMEIRO.-** Que a Vicepresidencia Segunda e Consellería de Economía, Empresa e Innovación ten atribuídas competencias nos ámbitos da promoción e dinamización da economía, infraestruturas enerxéticas, enerxías renovables e eficiencia enerxética, e mais en concreto nas instalacións de distribución polo miúdo de produtos petrolíferos líquidos.

**SEGUNDO.-** A Federación Gallega de Estaciones de Servicio (en adiante “FEGAES”) é unha entidade con personalidade xurídica propia e plena capacidade de obrar.

Entre os seus fins está a promoción do desenvolvemento económico de Galicia e dos seus membros, e entre as súas funcións destácase a representación, xestión e defensa dos intereses de Galicia e das súas organizacións integradas, especialmente en relación coa Administración.

Son membros de FEGAES as catro asociacións provinciais de estacións de servizo de Galicia, polo que nela están representadas unha parte moi importante das gasoleiras existentes en Galicia. Isto outórgalle a FEGAES un coñecemento do sector e unha capacidade de diálogo e representación no sector das estacións de servizo galegas que non ostenta ningunha outra entidade.

**TERCEIRO.-** O sector das estacións de servizo encóntrase nun momento crucial para definir o seu futuro, debido á aparición de novos combustibles e tecnoloxías mais eficientes enerxéticamente e mais respectuosas co medio ambiente, co que se enfronta á necesidade de

establecer un plan estratéxico que teña en conta retos como a transición enerxética cara fontes de enerxía alternativas como o gas ou a electricidade, e a dixitalización dos seus negocios.

**CUARTO.-** A Vicepresidencia Segunda e Consellería de Economía, Empresa e Innovación ten interese e considera unha prioridade a realización dun plan estratéxico no sector das estacións de servizo en Galicia que permita un adecuado desenvolvemento do sector e garanta o seu futuro ante os importantes cambios que se avexían.

## **CLÁUSULAS**

### **PRIMEIRA.- OBXECTO**

O presente convenio ten como obxecto determinar o marco de colaboración entre a Vicepresidencia Segunda e Consellería de Economía, Empresa e Innovación e FEGAES para a realización dun plan estratéxico no sector das estacións de servizo en Galicia.

### **SEGUNDA.-OBRIGAS DO BENEFICIARIO**

FEGAES, como beneficiario, levará a cabo as actuacións obxecto do convenio.

Así mesmo deberá cumprir cos seguintes requisitos ou obrigas:

1. Destinar o importe do financiamento do presente convenio ao obxecto e finalidade que se contén no mesmo.
2. Comunicar á Vicepresidencia Segunda e Consellería de Economía, Empresa e Innovación a obtención de subvencións e axudas para a mesma finalidade que a do presente convenio, procedentes de calquera outra Administración Pública ou de entes públicos ou privados, nacionais ou internacionais.
3. Achegar os informes e documentos que acrediten o desenvolvemento das actividades do presente convenio, así como os informes e demais documentos requiridos pola Vicepresidencia Segunda e Consellería de Economía, Empresa e Innovación.
4. Dar a adecuada publicidade do carácter público do financiamento en todas as actuacións que deriven da execución destas actuacións, en cumprimento do artigo 15.3º da Lei 9/2007, de subvencións de Galicia.
5. De acordo co artigo 37 apartado 2.g) do Decreto 11/2009, do 8 de xaneiro, polo que se aproba o regulamento da Lei de Subvencións de Galicia, FEGAES está obrigada a facilitar toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas no exercicio das súas funcións de fiscalización e control do destino das subvencións.



6. FEGAES procederá ao reintegro, total ou parcial, dos fondos percibidos máis os xuros de mora devengados dende o momento da concesión ata o de reintegro, no suposto de incumprimento das condicións establecidas para a súa concesión, nos casos previstos no Título II da Lei 9/2007, de subvencións de Galicia.

7. Seguir as normas sobre protección de datos, concretamente a Lei Orgánica 3/2018, de 5 de decembro, de Protección de datos persoais e garantía dos dereitos dixitais e as normas que a desenvolven.

8. Acreditar ante a Vicepresidencia Segunda e Consellería de Economía, Empresa e Innovación, con anterioridade a sinatura do presente convenio, que se atopan ao corrente das obrigas tributarias e da seguridade social.

9. Cumprir co resto dos requisitos e das obrigas recollidas no artigo 11º da Lei 9/2007 do 13 de xuño de subvencións de Galicia.

10. FEGAES elaborará un plan estratéxico a 3 ou 5 anos para o sector das estacións de servizo en Galicia, que teña en conta retos como a transición enerxética cara fontes de enerxía alternativas e a dixitalización, entre outros.

En todo caso, de acordo co artigo 43.3 do Decreto 11/2009, do 8 de xaneiro, polo que se aproba a Regulamento da Lei 9/2007, do 13 de xuño, de subvencións de Galicia, a Vicepresidencia Segunda e Consellería de Economía, Emprego e Industria poderá comprobar, dentro do período de prescrición, o custo así como o valor de mercado das actividades subcontratadas.

### **TERCEIRA.- OBRIGAS DA VICEPRESIDENCIA SEGUNDA E CONSELLERÍA DE ECONOMÍA, EMPRESA E INNOVACIÓN.**

A Vicepresidencia Segunda e Consellería de Economía, Empresa e Innovación, por medio da Dirección Xeral de Planificación Enerxética e Recursos Naturais, achegará a FEGAES, na súa calidade de beneficiario e en función do orzamento sinalado, a cantidade de TRINTA MIL EUROS (30.000,00 €) con cargo á partida orzamentaria 06.02.732A.780.1 da devandita Consellería, ao levar a cabo as actuacións obxecto do convenio.

Calquera modificación das cláusulas do presente convenio deberá ser solicitada á consellería, quen decidirá sobre a súa procedencia, e no caso de aceptarse se levará a cabo á súa formalización mediante a correspondente “addenda”, consonte ao artigo 35 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

No caso de que o investimento realizado teña un custo inferior ao inicialmente previsto e sempre que isto non supoña unha realización deficiente da totalidade do proxecto, a contía da subvención reducirase proporcionalmente, manténdose constante a porcentaxe da axuda respecto ao custo total do investimento.





#### **CUARTA.- GASTOS SUBVENCIONABLES**

Considéranse gastos subvencionables os gastos e investimentos materiais relativos á elaboración dun plan estratéxico para o sector das estacións de servizo en Galicia.

Os tributos serán considerados gastos subvencionables cando o beneficiario os aboa efectivamente consonte ao establecido no artigo 29.8 da Lei 9/2007, de 13 de xuño, de subvencións de Galicia. En concreto, o imposto sobre o valor engadido (IVE) poderase considerar gasto subvencionable cando a entidade beneficiaria acredite mediante a correspondente certificación que se encontra acollida ao réxime de exención do IVE.

Considéranse gastos subvencionables os comprendidos entre o 1 de xaneiro de 2021 e o 31 de marzo de 2021.

#### **QUINTA.- SUBCONTRATACIÓN E OS SEUS LÍMITES.**

A subcontratación dos servizos necesarios para acometer as actividades a desenvolver ao abeiro do presente convenio poderá acadar ata o 100 % das mesmas, e realizarase de acordo aos límites e obrigas establecidos no artigo 27 da Lei 9/2007, de 13 de xuño, de subvencións de Galicia e no artigo 43 do seu regulamento. En todo caso, a Vicepresidencia Segunda e Consellería de Economía, Empresa e Innovación poderá comprobar, dentro do período de prescrición, o custo así como o valor de mercado das actividades subcontratadas.

De conformidade co apartado 3 do artigo 27 da Lei 9/2007, de 13 de xuño, cando a actividade concertada exceda do 20 % do importe da subvención e o dito importe sexa superior a 60.000 € a subcontratación deberá cumprir os requisitos seguintes:

- que o contrato se celebre por escrito.
- que a celebración do mesmo se autorice previamente pola Vicepresidencia Segunda e Consellería de Economía, Empresa e Innovación.

#### **SEXTA.- VIXENCIA.**

Este convenio entrara en vigor ao día seguinte da súa sinatura e estenderá a súa vixencia ata o 31 de marzo de 2021.

Admitiranse actividades do presente convenio anteriores a súa sinatura levadas a cabo dende o 1 de xaneiro de 2021.

#### **SÉTIMA.- PAGAMENTO**

De acordo co establecido no artigo 63 do Decreto 11/2009, de 8 de xaneiro, polo que se aproba o regulamento da Lei 9/2007, de 13 de xuño, de subvencións de Galicia, poderase realizar un pagamento anticipado de ata un 50% da subvención concedida, con carácter previo á xustificación, como financiamento necesario para poder levar a cabo as actuacións





inherentes á subvención. A concesión do anticipo realizarase mediante resolución motivada, previa solicitude do beneficiario.

No caso de que o pagamento do anticipo supere os 18.000 euros, o beneficiario deberá constituír a correspondente garantía, nos termos establecidos no artigo 67 do Decreto 11/2009, de 8 de xaneiro.

O pagamento do importe restante do anticipado realizarase unha vez xustificada a realización das actuacións obxecto do convenio.

#### **OITAVA.- COMPATIBILIDADE CON OUTRAS AXUDAS**

Consonte ao establecido no artigo 37º do Decreto 11/2009 que establece o Regulamento que desenvolve a Lei 9/2007 de subvencións de Galicia, establécese a compatibilidade da axuda concedida neste convenio con calquera outra destinada ao mesmo fin, calquera que sexa a súa natureza e a entidade que a conceda sempre que, conxuntamente, non superen o custo da actividade subvencionada.

Asemade, de acordo co establecido no artigo 11º, apartado d) da Lei 9/2007 de subvencións de Galicia os beneficiarios deberán cumprir coa obriga de comunicar á Dirección Xeral de Planificación Enerxética e Recursos Naturais cantas axudas, subvencións, ingresos ou recursos sexan obtidas para financiar adicionalmente estas mesmas actividades.

#### **NOVENA.- PRAZO E FORMA DE XUSTIFICACIÓN**

A data limite para a presentación da correspondente xustificación da realización das actividades do presente convenio será o 31 de marzo de 2021. Admitiranse os xustificantes de gastos realizados dende o 1 de xaneiro de 2021 ata o 31 de marzo de 2021.

A xustificación da subvención por parte dos beneficiarios realizarase mediante a achega da seguinte documentación:

A. Certificación do órgano que teña atribuídas as facultades de control da toma de razón en contabilidade do cumprimento da finalidade do convenio e da aplicación dos fondos destinados para tal efecto.

B. Declaración responsable do rendemento da conta xustificativa segundo o modelo recollido no Anexo I do presente convenio que inclúa o seguinte:

1. Unha Memoria de Actuación xustificativa do cumprimento das actividades obxecto do convenio. Presentarase un informe final detallado con indicación do grao de cumprimento respecto ao planificado e os resultados obtidos. En todo caso, achegarase un exemplar de calquera entregable, material gráfico, folleto ou vídeo que se obteña no desenvolvemento da actividade.
2. Unha Memoria Económica xustificativa do custo das actividades realizadas que conterá:





- a. Unha relación dos gastos e investimentos clasificados por partida orzamentaria, con identificación do acredor e do documento, o seu importe, data de emisión e data de pago e partida orzamentaria á que corresponde. Esta táboa virá asinada e selada polo responsable da entidade.
- b. Orixinais ou fotocopias compulsadas dos documentos acreditativos do investimento ou actuación consistentes en facturas dos provedores ou documentos de valor probatorio equivalente.

As facturas e xustificantes de gasto deberán reunir os seguintes requisitos, de acordo co establecido no Real Decreto 1619/2012 relativo ás obrigacións de facturación:

- Deberá poder identificarse de forma clara o número da factura e a súa data de emisión.
- Deberá identificarse correctamente tanto o destinatario dos bens ou servizos como o obrigado a expedir a factura, incluíndo as súas correspondentes razóns ou denominacións sociais, números de identificación fiscal e domicilio.
- O concepto da factura deberá ser claro e relacionado coa actividade subvencionada, describindo as operacións e a data de realización das mesmas.
- No caso das subcontratacións o documento xustificativo ou factura deberá facer referencia á actividade ou tarefas subcontratadas no marco do proxecto en cuestión.
- Deberá poderse identificar o tipo impositivo ou tipos impositivos aplicados ás operacións.
- Finalmente, deberá poderse identificar a cota tributaria repercutida, que deberá consignarse por separado.

En calquera caso, o importe xustificado de cada factura será o valor total da mesma sen IVE. Para poder incluír o IVE como gasto financiable, o beneficiario deberá presentar o correspondente certificado de estar exento do pago do IVE.

Se as facturas están en idioma distinto do galego ou español, deberase achegar tradución da descrición do servizo, subministración ou outro tipo de gasto que corresponda, debéndose axustar as facturas aos requisitos que esixa a lexislación de cada país estranxeiro.

- c. Orixinal ou copia compulsada da documentación bancaria dos pagamentos (excepción feita daqueles documentos dos que a empresa non custodia orixinais –cheques–). Presentarase adxunto a cada documento de gasto o seu correspondente documento de pagamento e o extracto bancario onde figure o cargo correspondente.

No caso de que exista un mesmo documento de pagamento para varios documentos de gasto, deberase fotocopiar o documento de pagamento tantas veces como documentos de gasto aos que faga referencia, e achegarse a cada un dos documentos de gasto unha copia do devandito documento de pagamento.

Non se admiten os pagamentos en efectivo.





Os xustificantes bancarios de pagamento deben coincidir exactamente co importe da factura, IVE incluído. No caso de que o importe reflectido no documento bancario non coincida co importe do documento de gasto (pagamento agrupado), deberase remitir un desglose dos pagamentos efectuados xunto cos documentos de gasto, onde se poida identificar o gasto en cuestión.

C. Xustificante das axudas obtidas ou declaración das solicitadas ou que se prevé obter para o mesmo investimento en calquera outra administración, entes públicos ou privados, nacionais ou internacionais; indicando a súa contía.

D. Copia compulsada do último recibo do IAE, cando o beneficiario deba estar dado de alta no imposto de actividades económicas. No caso de que o beneficiario fose suxeito pasivo do IAE pero estivese exento do pago deste tributo, aportará declaración responsable na que se fagan constar tales circunstancias. Por último cando o beneficiario non estea suxeito á citada obriga tributaria aportará declaración responsable na que figure que non está suxeito a dito imposto.

E. Certificado relativo á situación do beneficiario con respecto ao imposto sobre o valor engadido (IVE).

F. Certificados acreditativos de estar ao corrente nas obrigas tributarias e coa Seguridade Social e de non ter pendente ningunha débeda, por ningún concepto, coa Administración pública da Comunidade Autónoma.

A Vicepresidencia Segunda e Consellería de Economía, Empresa e Innovación resérvase o dereito de solicitar toda a documentación que considere precisa, en relación coa xustificación do cumprimento do obxecto do convenio.

#### **DÉCIMA.- CONTROL**

A Vicepresidencia Segunda e Consellería de Economía, Empresa e Innovación poderá levar a cabo as actividades de inspección que considere oportunas para controlar o cumprimento da subvención.

De acordo co artigo 30.1 da Lei 9/2007 do 13 de xuño de subvencións de Galicia, a Vicepresidencia Segunda e Consellería de Economía, Empresa e Innovación comprobará a adecuada xustificación da subvención, así como a realización da actividade e o cumprimento da finalidade que determinen a concesión ou disfrute da subvención. En todo caso, de acordo co artigo 43.3 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, a Vicepresidencia Segunda e Consellería de Economía, Empresa e Innovación poderá comprobar, dentro do período de prescrición, o custo así como o valor de mercado das actividades subcontratadas.

Alén do anterior, as subvencións estarán sometidas á función interventora e de control financeiro exercido pola Intervención Xeral da Comunidade Autónoma, nos termos que establece o título III da Lei 9/2007, do 13 de xuño de subvencións de Galicia. Así mesmo, estará sometida ás actuacións de comprobación previstas na lexislación do Tribunal de Contas





e do Consello de Contas, e á obriga de facilitar toda a información que estas lle requiran consonte ao artigo 40.1.h) do Decreto 11/2009 do 8 de xaneiro.

#### **DÉCIMO PRIMEIRA.- PUBLICIDADE**

A entidade beneficiaria do presente convenio consente expresamente o tratamento necesario dos datos relevantes deste convenio e a súa publicación no Diario Oficial de Galicia e na páxina web da Vicepresidencia Segunda e Consellería de Economía, Empresa e Innovación, coas excepcións previstas no artigo 15.2º d) da Lei 9/2007, do 13 de xuño, de subvencións de Galicia.

Do mesmo xeito, de acordo co establecido na disposición adicional primeira do Decreto 132/2006, do 27 de xullo, de creación dos rexistros de axudas, subvencións e convenios e de sancións da Xunta de Galicia, consenten expresamente a inclusión e publicidade dos datos relevantes referidos, no devandito rexistro.

#### **DÉCIMO SEGUNDA.- COMISIÓN DE SEGUIMIENTO**

Para garantir a correcta execución e seguimento do pactado neste Convenio, constituirase unha Comisión de Seguimento e Coordinación integrada por un representante da Dirección Xeral de Planificación Enerxética e Recursos Naturais, que actuará como presidente, e un representante da entidade beneficiaria, designados a tal efecto por cada parte.

Son funcións da Comisión de Seguimento e Coordinación as seguintes:

1. Realizar o seguimento das actuacións do Convenio.
2. Propor solucións aos conflitos que puideran xurdir na aplicación e interpretación das cláusulas do convenio.
3. As que sexan precisas para garantir a correcta execución do convenio.

A Comisión reunirase as veces que sexan precisas á solicitude de calquera das partes asinantes.

Esta Comisión rexerase en canto a súa constitución, funcionamento e adopción de acordos pola normativa vixente en materia de órganos colexiados regulada na sección 3ª do capítulo primeiro do Título I da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia.

#### **DÉCIMO TERCEIRA.- CONFIDENCIALIDADE**

O beneficiario comprométese a manter a confidencialidade de toda a información facilitada que teña dito carácter.

Cando o beneficiario desexe utilizar algún dato que teña carácter de confidencial para a súa publicación ou difusión, deberá solicitar a autorización da Consellería.





#### **DÉCIMO CUARTA.- RELACIÓN CONTRACTUAL**

A subscripción do presente convenio non leva consigo relación laboral, contractual ou de calquera outro tipo entre os profesionais que vaian desenvolver as actividades a desenvolver no presente convenio e a Xunta de Galicia, de maneira que non se lle poderá esixir responsabilidade algunha, nin directa nin subsidiaria, polos actos ou feitos acaecidos no desenvolvemento do mesmo.

#### **DÉCIMO QUINTA.- PERDA DO DEREITO AO COBRO E REINTEGRO DA AXUDA.**

1. Producirase a perda do dereito ao cobro da axuda ou, no seu caso, procederá o reintegro da mesma cos intereses correspondentes, nos supostos e termos establecidos no artigo 33 da Lei 9/2007, do 13 de xuño de subvencións de Galicia.

2. O reintegro das axudas rexerase polo establecido no Título II da Lei de subvencións de Galicia e no Título V do Regulamento da devandita Lei.

3. Na gradación dos posibles incumprimentos que determinen a perda do dereito ao cobro ou o reintegro das axudas, teranse en conta os seguintes criterios:

a) Cando o cumprimento polo beneficiario se aproxime de modo significativo ao cumprimento total e se acredite por este unha actuación inequivocamente tendente á satisfacción dos seus compromisos, a cantidade a reintegrar virá determinada pola aplicación dos seguintes criterios de proporcionalidade:

1.º O incumprimento dos obxectivos parciais ou actividades concretas da actuación levará a devolución daquela parte da axuda destinada ás mesmas.

2.º A realización de gastos fora do prazo de execución, suporá a devolución das cantidades investidas fora de prazo.

3.º A non presentación das correspondentes xustificacións, de acordo co establecido nas cláusulas do presente convenio, levará a devolución das cantidades percibidas e non xustificadas, logo do requirimento establecido no punto 2, artigo 45 do Regulamento da Lei 9/2007, de 13 de xuño de subvencións de Galicia.

b) O incumprimento total e manifesto dos obxectivos establecidos no presente convenio será causa de reintegro total da axuda.

#### **DÉCIMO SEXTA.- RESOLUCIÓN**

Serán causas de resolución do presente convenio, procedendo ao reintegro, total ou parcial, da axuda percibida e dos xuros de demora correspondente dende o momento do pagamento de toda a subvención ata a data na que se acorde a procedencia do reintegro, as determinadas no artigo 33 da Lei 9/2007, do 13 de xuño.





**XUNTA DE GALICIA**

VICEPRESIDENCIA SEGUNDA E  
CONSELLERÍA DE ECONOMÍA,  
EMPRESA E INNOVACIÓN



En especial, son causas de resolución do presente convenio as seguintes:

- a desviación dos fondos outorgados para outra finalidade distinta da sinalada neste convenio.
- incumprimento da obriga da xustificación do investimento realizado.
- incumprimento de calquera outra das cláusulas establecidas no mesmo.
- transcurso do tempo estipulado sen que se desenvolva o mesmo.
- acordo mutuo das partes.

#### **DÉCIMO SÉTIMA.- NATUREZA E RESOLUCIÓN DE CONFLITOS**

O presente convenio ten carácter administrativo. Correspóndelle ao vicepresidente segundo e conselleiro de Economía, Empresa e Innovación a interpretación do mesmo e a resolución das dúbidas que xurdan sobre o seu cumprimento, sendo os acordos tomados neste sentido inmediatamente executivos. As posibles cuestións litixiosas serán de coñecemento e competencia da orde xurisdiccional contencioso-administrativa de conformidade coa lei reguladora de dita xurisdición.

#### **DÉCIMO OITAVA.- SUPLETORIEDADE**

O presente convenio queda excluído do ámbito de aplicación da Lei 9/2017, de 8 de novembro, de Contratos do Sector Público, sen prexuízo da aplicación dos principios do devandito texto legal para resolver as dúbidas e lagoas que puideran presentarse.

O presente convenio rexeráse polas súas propias cláusulas e en todo o non recollido nelas aplicarase o disposto para esta materia na Lei 9/2007, do 13 de xuño, de subvencións de Galicia e demais normas de dereito administrativo.

Tendo lido o presente convenio e, en proba de conformidade, asínase por todas as partes no lugar e data ao principio indicados.

Pola Vicepresidencia Segunda e Consellería  
de Economía, Empresa e Innovación

Por FEGAES

Francisco Conde López



**Xacobeo 2021**



**XUNTA DE GALICIA**

VICEPRESIDENCIA SEGUNDA E  
CONSELLERÍA DE ECONOMÍA,  
EMPRESA E INNOVACIÓN



## **ANEXO I MODELO DE CONTA XUSTIFICATIVA CON APORTACIÓN DE XUSTIFICANTES DE GASTO**

### **CONTA XUSTIFICATIVA DA APLICACIÓN DOS FONDOS CONCEDIDOS AO ABEIRO DO CONVENIO DE COLABORACIÓN ENTRE A VICEPRESIDENCIA SEGUNDA E CONSELLERÍA DE ECONOMÍA, EMPRESA E INNOVACIÓN E A FEDERACIÓN GALLEGA DE ESTACIONES DE SERVICIO “FEGAES” PARA A ELABORACIÓN DUN PLAN ESTRATÉXICO NO SECTOR DAS ESTACIÓNS DE SERVIZO EN GALICIA**

D....., con CIF ....., en calidade de ..... de FEGAES, beneficiaria do Convenio de Colaboración coa Vicepresidencia Segunda e Consellería de Economía, Empresa e Innovación citado por un importe de 30.000,00 €, declara baixo a súa responsabilidade haber realizado un gasto por importe de .....€ e, en cumprimento do disposto no artigo 11.1.b), en relación co artigo 28.2 da Lei de subvencións de Galicia, rindo ante dita Consellería conta xustificativa do gasto realizado composto por unha Memoria de Actuación e unha Memoria Económica xustificativa do custo das actividades realizadas, xunto cos documentos regulamentarios que a integran.

En....., a ..... de ..... de 2021



**Xacobeo 2021**